

Na osnovu člana IV.4.a) Ustava Bosne i Hercegovine, Parlamentarna skupština Bosne i Hercegovine na __. sjednici Predstavničkog doma održanoj _____ 2009. godine i na __. sjednici Doma naroda, održanoj _____ 2009. godine, usvojila je

ZAKON O DOPUNI ZAKONA O OSNOVAMA SIGURNOSTI SAOBRAĆAJA NA PUTEVIMA U BOSNI I HERCEGOVINI

Član 1.

U Zakonu o osnovama sigurnosti saobraćaja na putevima u Bosni i Hercegovini („Službeni glasnik BiH“ broj: 6/06 75/06 i 44/06) iza člana 126. dodaje se novi član 126a. koji glasi: :

„Član 126a.

(1) Izuzetno od odredbe člana 126. stav (5) službena vozila Parlamentarne skupštine BiH kada se njima koristi neko od članova kolegija oba doma Parlamentarne skupštine BiH, službena vozila Predsjedništva BiH kada se njima koristi neko od članova Predsjedništva BiH, službena vozila Vijeća ministara BiH kada se njima koristi predsjedavajući ili zamjenici predsjedavajućeg Vijeća ministara BiH, smiju upotrebljavati uređaje za davanje posebnih svjetlosnih i zvučnih znakova i bez pratnje policije ili vojnih lica.

(2) Vozila iz stava (1) ovog člana imaju prvenstvo prolaza u odnosu na sva druga vozila osim vozila pod pratnjom (član 125. stav (1)) i vozila iz člana 126. stav (1) i (3).“

Član 2.

Ovaj Zakon stupa na snagu osmog dana od dana objavljivanja u „Službenom glasniku BiH“.

PSBiH broj _____/_____

Sarajevo

Predsjedavajući
Predstavničkog doma
Parlamentarne skupštine BiH
Beriz Belkić

Predsjedavajući
Doma naroda
Parlamentarne skupštine BiH
Ilija Filipović

O b r a z l o ž e n j e

I. USTAVNOPRAVNI OSNOV

Ustavni osnov za donošenje ovog zakona sadržan je u članu IV/4 Ustava BiH. On je nesporan, jer se radi o izmjenama i dopunama postojećeg Zakona o osnovama sigurnosti saobraćaja na putevima u Bosni i Hercegovini.

II. RAZLOZI ZA DONOŠENJE

Nosiocima najviših državnih funkcija čak i u slučajevima kada ne koriste policijsku pratnju, treba omogućiti ubrzano kretanje u saobraćaju kroz mogućnost upotrebe zvučnih i svjetlosnih uređaja, zbog značaja funkcije i poslova koji obavljaju.

III. OBRAZLOŽENJE PONUĐENIH RJEŠENJA

Ovim izmjenama postojećeg Zakona o osnovama sigurnosti saobraćaja na putevima u Bosni i Hercegovini predviđa se da se vozilima Parlamentarne skupštine BiH, Predsjedništva BiH i Vijeća ministara BiH, kada se njima koristi neko od članova kolegija oba doma Parlamentarne skupštine BiH, članova Predsjedništva BiH, predsjedavajući Vijeća ministara BiH ili neko od njegovih zamjenika, dozvoli upotreba uređaja za davanje posebnih svjetlosnih i zvučnih znakova i bez pratnje policije ili vojnih lica, te se predviđa pravo prvenstva prolaza u odnosu na sva druga vozila osim vozila pod pratnjom, vozila službe hitne pomoći, vatrogasnih vozila, policije, sudske policije, vojnih vozila i vozila Državne granične službe.

IV. FINANSIJSKA SREDSTVA

Za provođenje ovog zakona nije potrebno obezbijediti dodatna finansijska sredstva u budžetu institucija Bosne i Hercegovine.